



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 18. De comite Ennone et bonis traditis in Theutmareshus in pago  
Suilbergi, nec non de comite Withmanno et eius bonis traditis in Duncgon  
in pago Auga.

**urn:nbn:de:hbz:466:1-36114**

Ab anno  
822 vsque  
826 im-  
perante  
Hludo-  
uico et

## §. 18.

Tradidit *enno comes* (B) pro anima sororis suae *tunibild* quidquid habuit in *theutmaresbus* testes *enno bernhard hugo oto mayco bernuuard*.  
tradidit *uithmannus comes* in *duncgon* (C) *manfos* decem testes *heriman uithard hrauuard adalhard beuo frederik hildilet adalrid dagarid erp addic abbo*.

## §. 19.

Tradiderunt *geruardus* et *eilbertus* quidquid habuerunt in *loferdi* (D) testes *uual brunink thanuui eilhard hunrad tato hunuuardus*.

tra-

venerabilis praesul: Honesleua igitur videtur Hensleben in ducatu Magdeburgico vel Hoensleben non procul ab vrbe Helmstadio.

DeComi-  
te Enno-  
ne.

(B) *Enno comes* ortus videtur ex illustrissima stirpe familiae Billinganae. Infra sane §. 20. ille filius appellatur *Amalungi*, quem patrem appellat Benniti diploma Caroli M. *Tunituld* soror *Ennonis*, atque ita filia *Amulungi*, quae haecenus incognita fuit. Supra §. 5. euicimus, *Ennonem* fuisse testem, cum quadam in pago Logne, qui pago Suilbergi contiguus erat, traderentur. Iam ipse *Enno* donat quadam in pago Suilbergi, id est, comitatu Dasselensi, qua in regione Billinganae stirpis heroës alia plura bona possedisse, infra videbimus. Fortassis tempore caesaris Hludouici *Enno comes* comitatum suum habuit in pago Suilbergi, vel in pago Logne. Infra eum saepius praesentem Corbeiae deprehendemus. Videtur ille abbas Corbeiensis Adalardi, qui Bernharti, fratris Pipini Franciae regis, filius erat, et familiarissimus et consanguineus fuisse. Villam *Theutmaresbus* existisse in pago Suilbergi, docet nos abbas noster Saracho in suo Registro, eademque videtur fuisse vicus *Detersbusen* seu *Detersen*, cuius ecclesia spectat ad ecclesiam in vico Marcoldendorf, olim in Comitatu Dasselensi, iam vero in Hildesheimensi episcopatu intra praefecturam Hundesrück situs.

De villa  
Dunc-  
gon.

(C) *Duncgon* erat, teste Sarachone, in pago *Auga*, ubi etiam sita erat ipsa Corbeia nostra. Villa autem *Duncgon* desolata est, distans a nostra Corbeia vnum miliare, olim reperta inter Furstenau et Leuendorp. Comites de Peremont quondam habebant in eadem villa ab abbacia nostra bona feudalia, quae, illis extinctis, acceperunt comites de Spiegelberg, a quibus iterum ea recepere in feudum nobiles de Kannen, vti nostra diplomata Corbeiensia comprobant, de quibus in *Clientela Corbeiensis* pluribus disseremus.

De villa  
Lofardi.

(D) Villam *Lofardi* abbas noster Saracho in suo Registro tribuit pago *Tiliti*, quo nos docet, ecclesiae suae non esse tradita bona in magno vel paruo *Lafferde* sub praefectura Peina in Hildesheimensi episcopatu, neque in *Leiferde*, loco Brunsvicensis ducatus sub inspectione Thide, quippe qui spectauit ad pagum Liergewe. Pagus *Tiliti* erat in vtraque Vifurgis ripa, et ad eundem fluium, Bodenwerderam inter atque Hamelam oppida, inuenimus vicum *Lafferde*, quem villam nostram *Lofardi* esse omnino putamus. Haec ergo eadem villa est, in qua, teste §. 227, *Wycbertus* quidam pro anima *Gerwardi* mansum vnum Nostris tradidit. Hic consanguineus fuisse videtur *Gerwardi* atque *Eilberti*, qui nostro in §. bona sua tradiderunt in villa *Lofardi* ecclesiae Corbeiensis. Ad quam familiam spectarint tam *Gerwardus* quam *Eilbertus*, ita demonstrari non poterit, vt de eo nullus dubitare queat. Inuenimus enim, Hoianos, Schaamburgicos atque Homburgenses dominos et comites in eadem villa bona possedisse. Quis ergo nos docebit, an *Gerward* atque *Eilbert* ad progenitores Homburgicorum aut Hoianorum Comitum sint referendi? *Wycbertus* reperimus inter Widikindeos, a quibus probabiliter et comites Hoiani descendunt. Atque exinde quis concludere possit, eos ad Widikindeos dominos spectasse. Fortasse villam *Lofardi* possederat dux Ostfalorum *Hessi* seu *Afig*, quem in eodem pago *Tiliti* bona habuisse, infra videbimus. Atque ex hoc ipso nobis probabile viderur, bona, in *Lofardi* sita, inter diuersos fuisse distributa, quod aliis eius bonis, in vna villa sitis, factum esse et vsu venisse, traditiones nostrae nos docent. *Eilbertus* sane,